

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 43. stav (4) Odluke o osnivanju Javnog preduzeća Televizija Zeničko-dobojskog kantona („Službene novine Zeničko-dobojskog kantona“, broj: 10/25 i 12/26), a na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 134. sjednici, održanoj 26.06.2026. godine, d o n o s i

O D L U K U

o davanju ovlaštenja

Član 1.

(Predmet)

Daje se ovlaštenje Semiru Spahiću, advokatu iz Zenice, da lično ili po zamjeni u vidu advokata Amra Čorić-Hamzić iz Zajedničke advokatske kancelarije Semir Spahić i Amra Čorić-Hamzić, može podnijeti prijavu za upis osnivanja Javnog preduzeća „Televizija Zeničko-dobojskog kantona“ d.o.o. Zenica u sudski registar, te da može potpisati i predati potrebne prijave, podnijeti zahtjev banci za otvaranje privremenog računa za uplatu osnivačkog kapitala, bez ovlaštenja za trošenje istih sredstava, te potpisati obrasce i druge isprave, kao i da može vršiti dopune i ispravke prijave i preuzimati akte registarskog suda, te preduzimati sve druge pravne i faktičke radnje potrebne za provođenje postupka registracije Preduzeća pred nadležnim registarskim sudom, Poreznom upravom Federacije Bosne i Hercegovine i Federalnim zavodom za statistiku.

Član 2.

(Rok važenja)

Ovo ovlaštenje važi do okončanja postupka registracije pred nadležnim organima ili do pismenog opoziva o čemu će nadležni organi biti obaviješteni.

Član 3.

(Realizacija)

Za realizaciju ove odluke zadužuje se Ministarstvo za prostorno uređenje, promet i komunikacije i zaštitu okoline i Javno preduzeće Televizija Zeničko-dobojskog kantona d.o.o. Zenica, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objaviti će se u „Službenim novinama Zeničko-dobojskog kantona“.

Broj: 02-30-12704/26
Datum, 26.06.2026. godine
Zenica

PREMIJER
po ovlaštenju

Dženana Čišija

DOSTAVLJENO:

4x Ministarstvo za prostorno uređenje,
promet i komunikacije i zaštitu okoline;
1x Imenovani, putem Ministarstva,
1x „Službene novine Zeničko-dobojskog kantona“,
1x a/a.